

JUNIOR SECONDARY CERTIFICATE

SILOZI FIRST LANGUAGE

1110/1

PAPER 1 Reading and Directed Writing

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

LITAELO NI LITABA ZEÑWI KWABATATUBIWA

- Ñola likalabo mwaBuka yofilwe yakualabela.
- Ñola nombolo yakuba Mutatubiwa ni Libizo lahao mwasibaka sakuñolela sesifilwe Fapila fabuka yakualabela.
- Ñola kasiñoliso sandilu kapa bunsu.
- U sisebelisi siñoliso kapa lingongwe lelitakula.

- Alaba lipuzo **kaufela**.

- Tokomela peletelo, sebeliso yamaswayo akubala ni pupo ya litaba.
- Nombolo yalinepo ibeilwe mwasakana [] kwamafelelezo apuzo ni puzo kapa kalulo yapuzo.

This document consists of **6** printed pages.



Republic of Namibia

MINISTRY OF EDUCATION, ARTS AND CULTURE

KALULO YA A

Bala likande le katokomelo, mi kasumulaho ualabe lipuzo zetatama.

Likandenyana A

Linako Lifetuhile

Mwamutulo Upa wanaha Namibia, mwasikiliti sa Kalenzenza ili mwasilalo sa Mbatumona, sicaba sa Nyambe nesipila mwamwangelwa. Lifulai mwanako yeo neli iponelwa feela kasiwela mi babanata haba boni lyungamuwilu jpezulula lifasi nebali ki nyunywani yesweli kufufafufa mwahalimu. Mwalinako zeo mahae neabupa lizoho leli putilwe fifi. Sitoyo, lusebo, matapa ni lindwa neli kwanokolwa. Kacwalo baana nebapatehanga kusuha matalo kufita lizazi haliyo ca matali, haili basali bona neba patehanga kusita ni kuluha miseme. Sinaliyanga sona nesiicela kobe kamuuutwa mwahae.

Mwaha omuñwi kwataha fulai ya mufuta wa polopela (Helicopter) mi haizibahali kone izwelela. Yataha izengana mwahalimu inge mankoli yabata kupamula kazwinyani kaka bubamezwi ki makona. Poko; Poko; Poko; Poko; mi haseisutelezi kuli ilule mwahae, yabonwa ki mwalyanjo yana sweli kusita fapatelo ni basali babahulu. Ki hakalumuka kalinzwi leli pahami ali: “Kuku lushwile ki fulai (polopela)”. Kwataha numbili mwahae lizazi leo. Hakuna ni yomukana yana talola kuli kutabe kutile sitangu sesicwalo mwa lmayumbulwa nako yeo. Baana kaufela nebasweli kubeta mifinyani yabonalubeliso ni kutula lisipi mwatasaa kota yamupolota. Ki habamatela mwasimu yambonyi kwamandameno ahae kuyo ipata mwateni. Liziba neli kakatela kwamikakani yamacacani amiselesele.

Hañihañi kacembele kanasinange kawelela famunyako walapa pili kasikakena kale mwamunyako wandu. Polopela yatolula kakukoba kwaliito mi mufufisi wayona alongoka mwateni inge azamaya kakunakaela. Mwanako yeo kwatokwa nihaiba walubandangoti wakubona. Batu bamwahae nebaikapesize macacani.

Linja ni likuhu ni zona neli icwatekile ili kusaba mulumo walilata ni linungwa lafulai yeo. Mufufisi wafulai abiza batu ali: “Kanti mwahae mo hakuna ni batu nji?” Kwakuza kwali tuu! Sipulumuki siipatile. Nebapalelwa nihaiba kuhotola, Kanti nikakutisa bupi bwalinanga bon i kubuiseza mahae asili atokwa kuamuhela bapoti”. Kubulela mufufisi”.

Baana bane baishwatekile mwasimu yambonyi bahupula liñolisa labupi bwa santulu. Nihakulicwalo batokwa kuzwela kwteni kakuhupula kuli batilo bashimba ni kubaisa kwakulwana mwandwa yalifasi. Mufufisi haitobohile akwenuha kabunyemi ni kuliba kwamahae asili. Fulai hase inanuhile, baana kaufela bane baipatile mwasimu yambonyi bashwa kubokolola ni kutotondoka. Bamakala kakufumana kuli fulai hainanuhile yakumaula mitungwe yamandu ni kuwisaka malapa amataka. Basali bona ba situmpwama sililo inge babafitezwi ki matomolapilu mwahae.

Kacembele ka nasinange kane kawelezi mwalapa baka selaela mezi. Hañihañi lindiala, basupali, limbelwa ni babashebile bato kubukana fapatelo amunzi. Hasekukuzize mi fulai seifundukile, baana kaufela bashokomoka mwasimu yambonyi alimuñwi kaalimuñwi. Basali bakala kubashubaula kakubulela kuli ki mautu abaana, Kuzwa lizazi leo, ba lmayumbulwa baswenywa ki kashimani kanalolo.

Kamaniti luli linako lifetuhile. Kambe zelubulelezwi kaufela halisika fela kambe luiponela zona kameeto aluna. Kacenu le kukeni puso yalinaha zakwawiko. Kamunu ubile ni ngana yakuikezeza lipangaliko zecwale katunamutendele, limbayambaya, lisepe ni litima ili kulika kukusufaza misipili yemitelele. Hamubone, mikolo selufuluha kuya mwambyumbyulu haili yamautu yona seluzamaya kuamane.

(Litahisizwe ki bomutompehi Simasiku A.J)

Musebezi wa 1

Alaba lipuzo **1 – 6** kakuñola feela ta ku ya kalobo yelukile yo ketile kwalitakuza **A, B, C** kapa **D** ili kubonisa kalabo yeswanela.

- 1 Ki sibaka mañi kone ilulile fulai?
 - A Imayumbulwa.
 - B Kalenzenza.
 - C Mbatumona.
 - D Mutulo Upa. [1]

- 2 Batu bamwahae nebaikapesize macacani. Manzwi a: 'Baikapesize macacani', italusañi?
 - A Babokolola.
 - B Baipatile.
 - C Bashokomoka.
 - D Bawetuluka. [1]

- 3 Ki linzwi mañi leliswana ni 'fulai'?
 - A Lyungamuwilu.
 - B Mankoli.
 - C Nyunywani.
 - D Sipulumuki. [1]

- 4 Fulai neitimize sinyehelo mañi mwahae?
 - A Baana ne ba ishwatekile mwambonyi.
 - B Basali bakala kushubaula baana babona.
 - C Kukumaula mitungwe yamandu.
 - D Linja ni likuhu neli icwatekile. [1]

- 5 Kiñi batu bamwahae hane basilisa?
 - A Kacembele nekawezezi.
 - B Kufenywa ki kashimani kanalolo.
 - C Kusa hola bupi bwalinanga.
 - D Kuyolwana mwandwa yayalifasi. [1]

- 6 Ki mikolo mañi yelufu hiwa kamahutu amane?
 - A Likoloi.
 - B Limbayambaya.
 - C Lisepe.
 - D Tunamutendele. [1]

[6]

Misebezi ya Bukwala

7 Musebezi wa 2

Bapanya lipulelo zefilwe ku B ni manzwi a ku A, ñola feela taku ye ku **A** ni nombolo yasiroma yezamaelela hamoho ni nombolo yaku **B**.

A		B	
(a)	Siyongili	(i)	Kupila kabuiketo
(b)	Ñumbili	(ii)	Mutu yasaitumeli kasika safilwe
(c)	Lubandangoti	(iii)	Ki sikwata sabasali
(d)	Nasiñange	(iv)	Nako yakalekale
(e)	Liñungwa	(v)	Sikwata sabatu sesili mwasabo
(f)	Santulu	(vi)	Kutokwa ni alimuñwi yasiezi
		(vii)	Moya womutuna

[6]

Musebezi wa 3

- 8 Ki sinyehelo mañi yene tisizwe ki fulai mwahae? [2]
- 9 Ki misebezi ifi yene ezwa ki baana kwanda akusuha matalo? [2]
- 10 Nopa pulelo mwalikande yebonisa kuli kubatile kutaha kozi muta fulai ito lula mwahae. [2]
- 11 Ufe litopa zepeli zabatu babafiwanga bupi bwalinanga. [2]

KALULO YA B

Bala likande le katokomelo, mi kasamulaho ualabe lipuzo ze tatama.

Likandenyana B

Musipili mwabange Lubinda

Mwabange Lubinda hase afunduka kutaha ku Mbeha. Mubita sikombwa sahae ahupula kuyo laeza mulena Mbeha. Ki hasaya mi hafita ashowelela mi abulela ali: “Molyange nitilo milaeza, nazamaya ni munaka Lubinda, kakuli hamu nifa yena nemuize nite ni mumamele mi niye niyena kai ni kai kaufela kwataya, cwale konji kuli ni eze sina mone nilaeleziwi”. Mulena Mbeha ali: “Zamaya hande sikombwa sesisepahala, kono uyo bulelela Lubinda kuli pili asikafita kale mwasioli sa Mbete uta nikatana halalu, hape nina ni katoca kwanama yamukiti walinyalo. Umubulelele hape kuli ukakutakwanu kwa Linyanti pili nisikashwa”. Mubita ashowelela mi amatela nyangela kaufela yene izamaya ni Lubinda. Hayofita abulelela Lubinda manzwi amulena Mbeha kono Lubinda atokwa kuiseza kwateni pilu.

Kwabonahala mitapi yemitelele yamakuta abatu ni likomu, miluluezo yalalauka. Bazamaya musihali kaufela mane bakatala, kiha Lubinda alumela linusa kwalikuta lene liinzi kwapili kuli liyeme ili kuli batu banwe mezi ni kuishumusa. Cwale liñusa halifitile, likuta lakwapili layema mi makuta amwamulaho ato lifumana. Cwale kwabatiwa siliba samezi kakuli batu neba shwile hahulu linyolwa. Muuna yomuñwi hanze azamayazamaya afumana siliba kono kwatuko asona nekuinzi mucembele mumbulu ni lusata lwahae mwalizoho.

Muuna yo akala kuhuwa kubiza batu kuli bato bona sesimutolezi. Baana kaufela bataha bamata mi habafitile babeya mucembele mwahali. Habamukupa kuli abafe sibaka sakuka mezi mwasiliba, yena abaalaba ali: “Nihanikamifa mezi hamuna kuitumela kakuli muhanile yana mifa mezi zazi ni zazi, cwale nihanikamifa mezi zazi liliñwi hakutusi sesiñwi”.

Batu kaufela bakomoka mi basaba kuka mezi mwasiliba mi bazamaya ni linyolwa. Mubita akala kuhupula manzwi amulena mi alemuha kuli mucembele yana inzi kwatuko ni siliba neili sibilimita sahae.

Bamano katuluha, batu kaufela bananuha kuzwelapili mwamusipili wabona, mi bazamaya babulela kaza mucembele wafasiliba. Manzibwana lizazi haseli bata kulikela bafita falyabwa mi bahupula kulobala teni kakuli kifona fone bakakona kufumana mezi akuezisa lico. Batulula mitiyo yabona, mi bona ni likomu cwalo bakala kunwa mezi. Baeza mafulo mi baapeha lico zakulalela. Habasebalalezi, basalikuti balobale kwataha tau mi yato bulaya likomu zemashumi amabeli kono yatokwa kuca fateni komu iliñwi, Batu bamakala kono Mubita alemuha kuli ki mulena yabapotezi lwabubeli mi utabe atile hape lwabulalu sina hana bulezi.

Habafita mwasioli batu balobala mwatasi alikota mi musali ni mwana hae bataha kuto lumelisa baeñi babona. Kwalobalwa hande. Habusa kwasheulwa sibaka sesituna mi batu bakala kuyaha libuma zakulobala. Isali lona lahabusa Lubinda salukisa zalinyalo.

Lika zalinyalo limano luka kaufela kwaketwa lizazi lamukiti, mi kwaezwa mulilo fapatelo mi kwabinwa busihu kaufela. Kwabulaiwa likomu zelishumi mi zatatehwa kaufela zona.

Habusa kakusasa, batu baputeha bato ina fapatelo yamunzi mi hape kwakalwa kubinwa. Mwabange Lubinda akala kubizwa mulena ni manduna bana tile nibona, kaufela baba mulonga wahae. Muoli yomunca yena nainzi famuseme kwatuko a mulena mi naapezi litata leinde ni musisi wakomu wolupuzwi hande. Mazoho ahae natezi litou zamishoboshobo.

Mahe muoli yena nainzi mwatasaa kota anze Litezi/mezi mwanaa hae mi nekusazibahali kuli natabile kapa namyenile.

Nama yaabelwa batu kaufela, mwanana ni yomuhulu kuca kukula. Kono nyangela isika feza kuca kwataha kaze yensu ye sina muhata, yafita yaina kwatuko ni pizana yanama mi yakala kuca. Batu bakala kuilelekisa, kono yaeza buhali bobusabisa hahulumane batu balemuha kuli kanti nesi kaze hande neili silumba' Haiseifelize kuca kaze yaishimbulula fateni, kusiya nyangela ikomokile.

Mubita aziba kuli ki yena mulena yatilo ca kwanama yalinyalo. Mukiti wazwelapili mane konji manzibwana kiona batu baungula.

(Lingilwe mwabuka ya muoli wa Mbeta yabomutompehi Kopano Mushashu)

Musebezi wa 1

- 12 Ufitise sene siezahezi habafitile falyabwa manzibwana alizazi leo. [3]
- 13 Pono yamuoli neili yecwañi kalizazi lamukiti walinyalo. Mabaka amalalu. [3]
- 14 Ki liñusa mañi lene lizwa kumulena Mbeha nikuliba kumwabange Lubinda? [4]
- 15 Talusa zalitukiso zene ezizwe ki sicaba kalizazi lamukiti tuna walinyalo. Mabaka amane. [4]
- 16 Talusa kakutala kuamana ni lizazi leo mulena Mbeha nakonile kubonahala kalona kwasicaba sahae. [6]

[20]

Musebezi wa 2

- 17 U ipeye mwamayemo a Mubita sikombwa sesisepahala, mi ubile ni musipili mwasioli sa Mbeta ni mwabange Lubinda. Cwale uñolele mulena Mbeha kwa Linyanti liñolo kumuzibisa kaza lieto ni mukiti tuna wobile teni kaufela.
- Manzwi ahao abe mwahalaa **150 – 200**. [20]